

বাংলাদেশ জলবায়ু পরিবর্তন ট্রাস্ট (বিসিসিটি)

৪.১ ভূমিকা:

ক্রমবর্ধমান নগরায়ণ ও শিল্পায়নের ফলে প্রতিনিয়ত নষ্ট হচ্ছে পৃথিবীর জলবায়ুর স্বাভাবিক আচরণ ও প্রাকৃতিক ভারসাম্য। বৈশ্বিক উষ্ণতা বৃদ্ধি ও বিভিন্ন প্রাকৃতিক কারণে বাংলাদেশ বর্তমানে পৃথিবীর অন্যতম জলবায়ু ঝুঁকিপূর্ণ একটি দেশ। তাই জলবায়ু পরিবর্তনের সাথে অভিযোজন এবং দেশের জনগণের ভবিষ্যত কল্যাণের কথা চিন্তা করে বর্তমান সরকার জলবায়ু পরিবর্তনের বিষয়টিকে দেশের উন্নয়ন পরিকল্পনার ক্ষেত্রে অন্যতম গুরুত্বপূর্ণ বিষয় হিসাবে চিহ্নিত করেছে। জলবায়ু পরিবর্তন জনিত ঝুঁকি মোকাবেলায় সরকার কর্তৃক প্রণয়ন করা হয়েছে বাংলাদেশ জলবায়ু পরিবর্তন কৌশল ও কর্মপরিকল্পনা ২০০৯ (বিসিসিএসএপি-২০০৯)। বিসিসিএসএপি ২০০৯ এ বর্ণিত কর্মসূচী বাস্তবায়নের জন্য ২০০৯-১০ অর্থবছরে সরকারের নিজস্ব অর্থায়নে জলবায়ু পরিবর্তন ট্রাস্ট ফান্ড (সিসিটিএফ) গঠন করা হয়। জলবায়ু পরিবর্তনের ঝুঁকি মোকাবেলায় বিভিন্ন প্রকল্প গ্রহণের মাধ্যমে স্থানীয় জনগণের সক্ষমতা বৃদ্ধি ও জলবায়ু পরিবর্তন সহিষ্ণু বিভিন্ন প্রযুক্তি উদ্ভাবন ও সম্প্রসারণ করাই এই তহবিলের মূল লক্ষ্য।

জলবায়ু পরিবর্তন ট্রাস্ট ফান্ড পরিচালনার জন্য জলবায়ু পরিবর্তন ট্রাস্ট আইন, ২০১০ বলবৎ করা হয়। উক্ত আইনের বিধান অনুযায়ী পরিবেশ, বন ও জলবায়ু পরিবর্তন মন্ত্রণালয়ের মাননীয় মন্ত্রীর নেতৃত্বে ১১ জন মাননীয় মন্ত্রী/প্রতিমন্ত্রী, মন্ত্রিপরিষদ সচিব, অর্থ সচিব, বাংলাদেশ ব্যাংকের গভর্নর, পরিকল্পনা কমিশনের একজন সদস্য ও সিভিল সোসাইটির দুই জন বিশেষজ্ঞসহ মোট ১৭ জন সদস্য নিয়ে একটি উচ্চ ক্ষমতা সম্পন্ন জলবায়ু পরিবর্তন বিষয়ক ট্রাস্টি বোর্ড গঠন করা হয়েছে। উক্ত বোর্ডকে সহায়তা করার জন্য পরিবেশ, বন ও জলবায়ু পরিবর্তন মন্ত্রণালয়ের সচিবের নেতৃত্বে ১৩ সদস্য বিশিষ্ট একটি কারিগরি কমিটি গঠন করা হয়েছে। জলবায়ু পরিবর্তনজনিত ক্ষতিকারক প্রভাব মোকাবেলায় দৃঢ় নেতৃত্বের জন্য ২০১৫ সালে জাতিসংঘ কর্তৃক মাননীয় প্রধানমন্ত্রীকে পরিবেশ বিষয়ক সর্বোচ্চ পদক “Champions of the Earth” পদকে ভূষিত করা হয়। সম্প্রতি “পরিবেশ ও বন মন্ত্রণালয়” এর নাম পরিবর্তন করে “পরিবেশ, বন ও জলবায়ু পরিবর্তন মন্ত্রণালয়” করা হয়েছে- যা জলবায়ু পরিবর্তন অগ্রযাত্রায় নতুন মাত্রা যোগ করেছে।

৪.২ পরিচিতি:

জলবায়ু পরিবর্তন ট্রাস্ট আইন-২০১০ এর বিধান অনুযায়ী ২৪ জানুয়ারি ২০১৩ সালে বাংলাদেশ জলবায়ু পরিবর্তন ট্রাস্ট (বিসিসিটি) গঠন করা হয়। বাংলাদেশ জলবায়ু পরিবর্তন ট্রাস্ট পরিবেশ, বন ও জলবায়ু পরিবর্তন মন্ত্রণালয়ের আওতাধীন একটি সংবিধিবদ্ধ সংস্থা। বাংলাদেশ জলবায়ু পরিবর্তন ট্রাস্ট ট্রাস্টি বোর্ডের এবং কারিগরি কমিটির সাচিবিক দায়িত্ব পালনসহ ট্রাস্ট ফান্ডের সার্বিক কার্যক্রম সম্পাদন করেছে।

বাংলাদেশ জলবায়ু পরিবর্তন ট্রাস্টের কার্যক্রম পরিচালনার জন্য সংস্থা প্রধান হিসাবে একজন ব্যবস্থাপনা পরিচালক রয়েছেন এবং তিনি ট্রাস্টের সার্বক্ষণিক মুখ্য নির্বাহী কর্মকর্তা হিসেবে দায়িত্ব পালন করছেন। এছাড়াও একজন উপ-ব্যবস্থাপনা পরিচালক, একজন সচিব ও দুই জন পরিচালক রয়েছেন। বাংলাদেশ জলবায়ু পরিবর্তন ট্রাস্টের অর্গানোগ্রামে মোট ৮২ জনকর্মকর্তা/কর্মচারীর সংস্থান রয়েছে।

৪.৩ কার্যাবলি:

- জলবায়ু পরিবর্তন ট্রাস্ট ফান্ডের সার্বিক ব্যবস্থাপনা;

- জলবায়ু পরিবর্তন বিষয়ক ট্রাস্টি বোর্ড এবং কারিগরি কমিটিকে সাচিবিক সহায়তা প্রদান;
- বিভিন্ন মন্ত্রণালয়/বিভাগ হতে প্রাপ্ত প্রকল্পসমূহ কারিগরি কমিটিতে উপস্থাপন এবং কারিগরি কমিটি কর্তৃক সুপারিশকৃত প্রকল্প প্রস্তাবসমূহ ট্রাস্টি বোর্ডের সভায় উপস্থাপন;
- ট্রাস্টি বোর্ড এর সিদ্ধান্তসমূহ বাস্তবায়ন করা;
- ভিন্ন মন্ত্রণালয়/বিভাগের জলবায়ু পরিবর্তন বিষয়ক ফোকাল পয়েন্টদের সাথে সমন্বয় সাধন;
- জলবায়ু পরিবর্তনের সাথে সম্পর্কিত সুবিধাভোগী, সিভিল সোসাইটি সাথে, এনজিও, প্রাইভেট সেক্টর এবং আন্তর্জাতিক প্রতিষ্ঠানের সাথে যোগাযোগ স্থাপন;
- বাস্তবায়নাদীন প্রকল্পের পরিবীক্ষণ ও মূল্যায়ন কার্যক্রম গ্রহণ করা।

৪.৪ জনবল:

৪.৬.১ বাংলাদেশ জলবায়ু পরিবর্তন ট্রাস্টের জনবল:

ক্রমিক	গ্রেড	অনুমোদিত পদ	কর্মরত পদ	শূন্যপদ
১.	১ম শ্রেণী (গ্রেড ২ হতে ৯)	২৫	১৯	০৬
২.	২য় শ্রেণী (গ্রেড ১০)	০৩	০১	০২
৩.	২য় শ্রেণী (গ্রেড ১১ হতে ১৬)	২৯	২০	০৯
৪.	২য় শ্রেণী (গ্রেড ১৭ হতে ২০)	২৫	২১	০৪
	মোট:	৮২	৬১	২১

৪.৫ ট্রাস্টের উল্লেখযোগ্য কার্যক্রম:

বাংলাদেশ জলবায়ু পরিবর্তন ট্রাস্টের ২০১৭-১৮ অর্থ বছরের উল্লেখযোগ্য কার্যক্রম:

ক্র;	কার্যক্রমের বিবরণ	২০১৭-১৮
১.	জলবায়ু পরিবর্তন বিষয়ক ট্রাস্টি বোর্ড এর সভা অনুষ্ঠিত হয়	০৩ টি
২.	জলবায়ু পরিবর্তনের অভিঘাত মোকাবেলায় সরকারি প্রকল্পে অর্থায়নের পরিমান	১৯৮.৮৭ কোটি টাকা
৩.	জলবায়ু পরিবর্তন ট্রাস্ট ফান্ডের অর্থায়নে গৃহীত প্রকল্পের সংখ্যা	৬১ টি
৪.	গৃহীত প্রকল্পের অনুকূলে অর্থ ছাড়ের পরিমান	২৩৫.৯৬৮৪ কোটি টাকা
৫.	অর্থছাড়কৃত প্রকল্প সংখ্যা	২৫৮টি
৬.	বাংলাদেশ জলবায়ু পরিবর্তন ট্রাস্ট হতে প্রকল্প কার্যক্রম সরেজমিনে পরিদর্শন	১৯৩টি
৭.	জলবায়ু পরিবর্তন ট্রাস্ট ফান্ডের অর্থায়নে বাস্তবায়িত সমাপ্ত প্রকল্প সংখ্যা	৫৩ টি
৮.	প্রকল্প পরিচালক, বাস্তবায়নকারী সংস্থা এবং মন্ত্রণালয়ের প্রতিনিধিদের সমন্বয়ে বাস্তবায়নাদীন প্রকল্পসমূহের অগতি পর্যালোচনা সভার সংখ্যা	০৫টি

৪.৬ সেমিনার, কর্মশালা, সভা ও উদ্ভাবন ধারণা:

৪.৬.১ ‘শেখ হাসিনার বিশেষ উদ্যোগ’ ব্রান্ডিং কার্যক্রম

‘শেখ হাসিনার বিশেষ উদ্যোগ’ সংশ্লিষ্ট ব্রান্ডিং-এর দশটি উদ্যোগের মধ্যে “পরিবেশ সুরক্ষা” একটি। জলবায়ু পরিবর্তন ট্রাস্ট ফান্ড হতে পাঁচ কোটি টাকা প্রাক্কলিত ব্যয়ে “মাননীয় প্রধানমন্ত্রী শেখ হাসিনার উদ্ভাবনী উদ্যোগ ‘জলবায়ু পরিবর্তন ট্রাস্ট ফান্ড গঠন’ বিষয়ে প্রণীত ব্রান্ডিং পরিকল্পনা বাস্তবায়ন” শীর্ষক প্রকল্প গ্রহণ করা হয়েছে। প্রকল্পের কার্যক্রম চলমান রয়েছে। উক্ত ব্রান্ডিং পরিকল্পনার আওতায় গৃহীত কার্যক্রম নিম্নরূপ:

- জেলা/উপজেলা পর্যায়ে অনুষ্ঠিত উন্নয়ন মেলায় জলবায়ু পরিবর্তন ট্রাস্ট ফান্ড গঠন বিষয়ে মাননীয় প্রধানমন্ত্রীর অবদান হাইলাইট করে বিসিসিটির কার্যক্রম সম্বলিত 27000টি ক্যালেন্ডার, 08 প্রকারের 31500 টি লিফলেট এবং 03 প্রকারের 5800টি ফেস্টুন বিতরণ করা হয়েছে।
- বিশ্ব পরিবেশ দিবস উপলক্ষে অনুষ্ঠিত পরিবেশ মেলা, ২০১৮ এ বিসিসিটির স্টলে ‘শেখ হাসিনার নির্দেশ, জলবায়ু সহিষ্ণু বাংলাদেশ’ শ্লোগান সম্বলিত 3000টি টি শার্ট বিতরণ করা হয়েছে। অধিক প্রচারের জন্য 64টি জেলা পর্যায়ে আরও 1000টি শার্ট বিতরণ করা হয়েছে।
- জলবায়ু পরিবর্তন ট্রাস্ট ফান্ড গঠন বিষয়ে মাননীয় প্রধানমন্ত্রীর অবদান এবং ট্রাস্ট ফান্ডের কার্যক্রম সম্বলিত ১টি টেলিভিশন বিজ্ঞাপন, ০২টি রেডিও বিজ্ঞাপন তৈরি কার্যক্রম চলমান রয়েছে যা শীঘ্রই প্রচার করা হবে।
- পরিবেশ সুরক্ষা ও জলবায়ু পরিবর্তনের নেতিবাচক প্রভাব মোকাবেলার বিষয়ে স্কুল পর্যায়ের বিভিন্ন শিক্ষা প্রতিষ্ঠানে ছাত্র ছাত্রীদের মধ্যে প্রচারের মাধ্যমে উদ্বুদ্ধকরণ এবং সচেতনতা তৈরির লক্ষ্যে জলবায়ু সম্পর্কিত একটি জলবায়ু বাস এর ডিজাইন চূড়ান্ত করা হয়েছে।

৪.৬.২ বিশ্ব জলবায়ু সম্মেলনে (Cop-2৩) অংশগ্রহণ:

বিগত ০৬-১৭ নভেম্বর ২০১৭ হতে জার্মানীর বন শহরে বিশ্ব জলবায়ু সম্মেলন (Cop-2৩) অনুষ্ঠিত হয়। উক্ত সম্মেলনে বাংলাদেশ ডেলিগেশনের সাথে অত্র ট্রাস্টের দুই জন প্রতিনিধি অংশগ্রহণ করেন। জলবায়ু পরিবর্তন ট্রাস্ট উক্ত সম্মেলনে বাংলাদেশ পক্ষে আকর্ষণীয় স্টল স্থাপনসহ বাংলাদেশ প্রতিনিধি দলের লজিস্টিক সহায়তা প্রদান করে। বিসিসিটির পক্ষ থেকে স্টলে ও সাইড ইভেন্টে আগত দর্শনার্থীদের শুভেচ্ছা স্মারক এবং বিসিসিটির প্রকাশনাসমূহ বিতরণ করা হয়।

৪.৬.৩ কর্মশালা আয়োজন:

জলবায়ু পরিবর্তন ট্রাস্ট ফান্ডের অর্থায়নে বাস্তবায়নাধীন প্রকল্পসমূহের কার্যক্রমের উপর এবং জলবায়ু পরিবর্তন বিষয়ক কর্মশালা অনুষ্ঠিত হয়েছে -যার বিবরণী নিম্নরূপ:

ক্র: নং	কর্মশালার শিরোনাম	অনুষ্ঠানের তারিখ	অংশগ্রহণকারী
1	“বাংলাদেশের জলবায়ু ঝুঁকিপূর্ণ অঞ্চলে জন্মানোর লক্ষ্যে উপকূলীয় এলাকার কৌলিসম্পদ ব্যবহার করে লবন-সহিষ্ণু ডাবলড হ্যাণ্ডয়েড জাতের উদ্ভাবন” শীর্ষক প্রকল্পের কর্মশালা	11 জুলাই 2017	35
2	“ইট ভাটায় কার্বন নির্গমন হ্রাসকল্পে ব্যবস্থা	23 অক্টোবর	60

	চিহ্নিতকরণঃ প্রেক্ষিত ঢাকা মেগাসিটি” শীর্ষক প্রকল্পের কর্মশালা	2017	
3	BIDS কর্তৃক ২৭টি প্রকল্পের মূল্যায়ন সংক্রান্ত কর্মশালা	1 মার্চ 2018	35
4	জলবায়ু পরিবর্তন ও দুর্যোগ সংক্রান্ত কর্মশালা	23 এপ্রিল 2018	20
5	বিসিসিটি এর মনিটরিং ও মূল্যায়ন সংক্রান্ত কর্মশালা	28 মে 2018	23

৪.৬.৪ পরিবেশ মেলায় অংশগ্রহণ:


বিশ্ব পরিবেশ দিবস ০৫ জুন, ২০১৮ উদযাপন উপলক্ষে পরিবেশ অধিদপ্তর কর্তৃক বাণিজ্য মেলার মাঠে পাঁচ দিনব্যাপী পরিবেশ মেলার আয়োজন করা হয়। প্রতিবারের ন্যায় এবারও উক্ত মেলায় বাংলাদেশ জলবায়ু পরিবর্তন ট্রাস্ট কর্তৃক একটি স্টল প্রদান করা হয়। স্টলে জলবায়ু ট্রাস্ট ফান্ডের অর্থায়নে বাস্তবায়িত গুরুত্বপূর্ণ প্রকল্পসমূহের চিত্রের ড্যামী, অনুমোদিত প্রকল্পসমূহের প্রজেক্ট প্রোফাইল, ট্রাস্টের কার্যক্রমের উপর পুস্তিকা ও লিফলেট বিতরণ করা হয়।

৪.৭ ২০১৭-১৮ অর্থবছরে জলবায়ু পরিবর্তন ট্রাস্ট ফান্ডের অর্থায়নে প্রকল্প অনুমোদন সংক্রান্ত তথ্য:

জলবায়ু পরিবর্তনের অভিঘাত মোকাবেলায় জলবায়ু পরিবর্তন বিষয়ক ট্রাস্টি বোর্ড কর্তৃক ২০১৭-১৮ অর্থবছরে বরাদ্দকৃত অর্থ ও তহবিলের সুদ দ্বারা বিভিন্ন সরকারি সংস্থার মোট ৬১টি প্রকল্প অনুমোদন করা হয়। নিম্নে অনুমোদিত প্রকল্পের মন্ত্রণালয়ভিত্তিক, বিভাগভিত্তিক এবং থিমেরিক এরিয়াভিত্তিক তালিকা দেওয়া হলো:

৪.৭.১ মন্ত্রণালয়ভিত্তিক অনুমোদিত প্রকল্প:


২০১৭-১৮ অর্থ বছরে অনুমোদিত মোট ৬১টি প্রকল্পের মধ্যে স্থানীয় সরকার, পল্লী উন্নয়ন ও সমবায় মন্ত্রণালয়; ৪১টি, পরিবেশ, বন ও জলবায়ু পরিবর্তন মন্ত্রণালয়; ১০টি, শিক্ষা মন্ত্রণালয়; ৪টি, পানি সম্পদ মন্ত্রণালয়; ০২টি, কৃষি মন্ত্রণালয়; ০২টি, স্বরাষ্ট্র মন্ত্রণালয়; ১টি এবং প্রতিরক্ষা মন্ত্রণালয়; ০১টি প্রকল্প বাস্তবায়ন করেছে।



২০১৭-১৮ অর্থবছরে মন্ত্রণালয় ভিত্তিক গৃহীত প্রকল্পের বিন্যাস

৪.৭.২ বিভাগভিত্তিক প্রকল্প:

২০১৭-১৮ অর্থবছরে ট্রান্সিট বোর্ড কর্তৃক অনুমোদিত ৬১টি প্রকল্পের মধ্যে ঢাকা বিভাগে ১৮টি, বরিশাল বিভাগে ১৩ টি, চট্টগ্রাম বিভাগে ৯টি, রাজশাহী বিভাগে ৯ টি, খুলনা বিভাগে ৫টি, রংপুর বিভাগে ৩টি, সিলেট বিভাগে ১ টি এবং একাধিক বিভাগের ৩টি প্রকল্প অনুমোদন করা হয়েছে।




২০১৭-১৮ অর্থবছরে বিভাগ ভিত্তিক গৃহীত প্রকল্পের বিন্যাস

৪.৭.৩ থিমেটিক এরিয়া ভিত্তিক প্রকল্প:

বাংলাদেশ জলবায়ু পরিবর্তন কৌশল ও কর্মপরিকল্পনা ২০০৯ (বিসিসিএসএপি-২০০৯) এ ৬টি থিমেটিক এরিয়া রয়েছে। ২০১৭-১৮ অর্থ বছরে অনুমোদিত ৬১টি প্রকল্পের মধ্যে অবকাঠামো থিমেটিক এরিয়া ভিত্তিক ৩৮টি প্রকল্প অনুমোদন করা হয়েছে। এছাড়া, খাদ্য

নিরাপত্তা, সামাজিক সুরক্ষা ও স্বাস্থ্য থিমেটিক এরিয়া ভিত্তিক ০৯টি, প্রশমন ও কম কার্বন উৎপাদন প্রযুক্তি থিমেটিক এরিয়া ভিত্তিক ০৯টি, গবেষণা ও জ্ঞান ব্যবস্থাপনা থিমেটিক এরিয়া ভিত্তিক ০২টি এবং সক্ষমতা ও প্রাতিষ্ঠানিক দক্ষতা বৃদ্ধি থিমেটিক এরিয়া ভিত্তিক ০৩টি প্রকল্প অনুমোদন করা হয়েছে।



২০১৭-১৮ অর্থবছরে থিমেটিক এরিয়া ভিত্তিক প্রকল্প গ্রহণের চিত্র

৪.৮ ভবিষ্যৎ সময়াবদ্ধ কর্মপরিকল্পনা:

ক্র: নং	ভবিষ্যৎ কর্মপরিকল্পনা	বাস্তবায়নকাল
১	বাংলাদেশ জলবায়ু পরিবর্তন ট্রাস্টকে জলবায়ু পরিবর্তন বিষয়ক কার্যক্রম, গবেষণা ও নেগোসিয়েশনের কেন্দ্রবিন্দু হিসেবে প্রতিষ্ঠা করা।	২০১৮-২০
২	বাংলাদেশ জলবায়ু পরিবর্তন ট্রাস্টের পরিধি বৃদ্ধির লক্ষ্যে পৃথক অধিদপ্তর সৃজন	২০১৮-১৯
৩	Green Climate Fund (GCF) ও অন্যান্য আন্তর্জাতিক জলবায়ু তহবিলে প্রবেশাধিকারের যোগ্যতা অর্জন করা।	২০১৮-১৯
৪	“জলবায়ু পরিবর্তন ট্রাস্ট ফান্ড গঠন বিষয়ে মাননীয় প্রধানমন্ত্রীর অবদান হাইলাইট করে প্রণীত ব্রান্ডিং পরিকল্পনা বাস্তবায়ন” শীর্ষক প্রকল্পের আওতায় কার্যক্রমসমূহ দেশীয় ও আন্তর্জাতিক পরিমন্ডলে প্রচার।	২০১৮-১৯
৫	জলবায়ু পরিবর্তন ট্রাস্ট আইন, ২০১০ এর বিধান অনুযায়ী বার্ষিক বরাদ্দের ৬৬% অর্থ এবং সঞ্চিত ৩৪% অর্থ হতে প্রাপ্ত সুদ দ্বারা প্রকল্প গ্রহণ।	প্রতি অর্থবছর
৬	বিশ্ব জলবায়ু সম্মেলনে (কপ-২৪) বাংলাদেশ ডেলিগেশনের পক্ষে সাইড ইভেন্ট আয়োজন করা, লজিস্টিক সহায়তা প্রদান ও অংশগ্রহণ।	ডিসেম্বর, ২০১৮
৭	বাংলাদেশ জলবায়ু পরিবর্তন ট্রাস্টের ওয়েব সাইট আধুনিকায়ন।	ডিসেম্বর, ২০১৮
৮	জলবায়ু পরিবর্তন ট্রাস্ট ফান্ডের অর্থায়নে সমাপ্তকৃত প্রকল্পের তৃতীয় পক্ষ দ্বারা মূল্যায়নের নিমিত্ত কার্যক্রম গ্রহণ।	২০১৮-১৯

9	Green Climate Fund এর অর্থায়নে বিসিসিটি কর্তৃক প্রকল্প গ্রহণ ও বাস্তবায়ন	২০১৮-২০
---	--	---------